

復
初
齋
詩
集

復初齋詩集卷第十四

大興 翁方綱 正三

寶蘇室小艸四

丙申五月至九月

古中盤五松圖歌

釋石爲慕堂畫并書所作盤山銘于後

中盤五松舊所聞盤龍抱子與臥雲

皆古中盤松名

比支離安

競斗笠劍臺東礪俱出羣

支離安在舞劍臺斗笠在東甘礪皆松名

盤山之

勝松與石山石都作松骨筋千峯萬峯一濤籟五老絳

節乘蒼雲或驂青麟跨赤豹其氣崑崙精氤氲萬象迴

薄入

天筆

四字御題扁也

金沙照耀騰

奎文罔卿扈從得瞻拜春晝正值桃實實中臺蓮華接

紫蓋寶積趺處流沄沄因訊萬松舊居士看山看松合
與分五松之堂萬松寺卽離虛實當何云居士笑且自
銘杖謂言畫待秋夕曛與子扈從成二老時對五老蟠
蠃蠃

莊谷招同諸公遊慈壽寺二首

百尺娑羅木戎戎浮毳初曾聞譬堅固聊假散晴虛叩
應芭蕉義繙尋貝葉書白松時落子雷雨歛階除

閣榜書何處眞容絹儼然塔鈴猶警語母訓正冲年寺建

於萬曆四年馮几遺言在江陵倚任專區區殘石訪傳會

九莖蓮

寺後寧安閣榜明孝定太后手書又有張居正碑今皆不存

鄰泉爲趙渭川賦

昔訪惠州泉堂曰德有鄰子實惠之秀負笈來成均子
隨宦江南讀書窮涯津歸見東坡井始徭豐湖濬千尺
百夫力一勺清鄰鄰我羨翟秀才何必鄧道人吾道浩
淵海孰與潤澤新汲綆蓋由已盈澮皆非真通厨細覓
流賃屋果何因輾轡與梵唄衆響交清晨徐子川上疑
杜老餘波親試叩鄰舍生指火於爲薪

渭川與馮伯求
同寓法源寺

宋高宗御書石經拓本

包胥三日楚人哭無衣兩章秦國詩蘭亭雖有好筆法
不知此等句字如何忍書之所以卷尾跋一律跋者魏
國秦太師辭曰天錫勇與智投戈講藝臻昌期拜請刊
石國子學臣與學者交勉茲是時國學廡新闢前洋街

卽宅基湖山大石斲清潤淡黃越紙鈎毫釐鸞翔鳳
翥紀洪邁簷楣閣榜標淳熙當年臣寮競贊詠館閣著
錄於陳騷我獨愛誦曾家鋪敘語以冠諸帖諸鼎彝上
言靖康丁未夏四月中興嗣位方時危下言紹興癸亥
立石日北共日日軍書馳乃能翰札親御小行楷前後
百碑十萬字有奇漢魏一體三體後未若努趯尤妍姿
唐石尚完此轉闕摩挲得不深嗟咨中宮續筆何用辨
風雨歲歲苔花滋

夢遊竹葉庵圖爲瘦銅賦

竹葉之庵何處是朦朧夢境剛一紙舍人記憶宛可指
門前一井籬六枳漸焉有路循邐迤最後層臺一亭子

中間花竹與堦阨則皆畫者所意擬不知其境何起止
舍人亦莫名所以但言顥氣空翠裏蕩蕩默默匪形似
陰陽千光金碧紫瑤臺九霞非羅綺始青空歌接尺咫
丹華瓊艸蔓如繭若有雲篆亭亭起斯須向背屢遷徙
清思眈眈超神理爾時了然聆音旨擘氣攝思觀無始
眩晃不敢以正視竹葉皆作雪佩委土承金漿與玉髓
青蓮華露迸注此倏歟一盃瀉萬里飛湧紅輪大海水

過莊谷齋同觀石鼓文舊拓本三首

積雨青櫺澗

青櫺莊谷齋名

苔花似古文我來循孔壁不屑較

秦斤墨破殘圭邸烟橫裊篆焚無言成坐對幽思極皇
墳

麤識潘司業難詮薛尚功當時有重刻片石幾曾同醜
記何裨益虛懷要折衷全圖訝朱十一例讀車工竹垞石鼓
考不別存否真贋皆摹入圖

此釋如何寫真行隸總非百年前楮橐一髮辨依稀石
理金填失針鋒墨暈肥今宵蒼赤字有夢叩靈威

明人合作瀟湘八景扇歌

宋迪曾作八景圖高臺爲建城之隅

長沙有瀟湘八景臺宋嘉祐中築

陰晴明晦朝夕異萬景豈止于八乎扇頭小簇更所少
曲盡川壤山原塗題詩小字極銖黍或鳥之背山之膚
先從山烟吐瀑布面面霧樹迷根株空江一片翠竹響
雨氣四合層雲鋪山嵐深處勿愁晚蒲牢語記招僧徒

洞庭看月信奇絕全楚之秋在一湖此時沙岸盡金碧
那數落鴈穿寒蘆條然漁邨出君度文啟美楷淡若無
黃昏楚王宮北意若非杜甫誰能摹山畦小市得日氣
歸帆遠浦何人俱白室此圖儻有謂青峯欸乃聞歌呼
漁家雪篷卽老屋梅花明月可一壺是皆騷人墨客輩
往來歷涉旬朔紆或披蒙茸嘯山鬼亦倚桺聽鷗鵠
龍君廟澆賽酒會嶽麓記辨神碑誣扇頭畫手盡吳產
楚地何感於中吳瀟湘之圖本北苑米家虎兒蹟又殊
屈平辭與謝朓句鈞天九奏來笙竽帝子降兮張北渚
秋風木葉愁靈巫澧蘭沅芷隱橫睇蒼葭碧蔣峴模糊
神光陰陰動紫葢迴風浩浩臨蒼梧未知八景拈孰是

象冈收得軒轅珠湘斑骨子摺痕失葛邏祿詠絹本燕
空窗瀟瀟暮雨夜爲爾佇立增踟躕

輓饒探雲工部

痛說斯人奈命何韓江歲月逝如梭至今文譽潮陽滿
從古詩才水部多玉樹根株虹吐氣家山兄弟淚成河
他年令姪飛騰起手篋精神儻不磨

謂其兄子重慶也

次韻蘇文忠蜀岡石刻詩寄酬蘊山太守二首

鈍翁斜陽句但拈鶴與蟬漁洋訪碑處古壁昏蒼烟徘徊
竹西路悵望峨嵋顛驪珠百十五倒瀉秋河懸上下
五百載朗映兩詩仙

王文簡司理揚州上湖文忠知揚州五百七十年

繼聲者

誰歟今守得我賢晤言緬前哲賓佐共烹泉二十四橋

月千影一嬋娟汝州亦石本想像筆勢翩奇哉石只夢

有若符券然

適張警堂假守以郟縣石本寄至是齊南張石只所刻石只修蘇公墓夜夢公致謝

已而得此詩蹟于汝州刻之事見池北偶談

爾家蘇潭上老樹幾秋蟬憶我蘇潭側偃筆共松烟宦
途時閱古昨自金山顛寄我笠屐圖白日奎光懸公豈
預料之句字挾飛仙南枝匪虛擬識爾西江賢北雁併
有謂觀水必溯泉下指長江流上倚層峯娟月夜風簫
聲公乎鶴馭翩秋堂我亦夢試證然不然

嵩山漢柏予旣再歌之矣今丹叔學士以拓本

作畫家向背勢裝之空其右俾寫詩因更賦此

今日始悟真鱗甲雙虬劈開青玉峽學士手爲參差配

此是懷仁集書法前人樹稿非假借顧盼之中寓穿插
橫風員竅條上搏絕壁森條俄下壓精靈撐拄復迴環
太室中峯南麓閒七星斜連紫虛谷斷石直抵轅轅關
三將軍漫紀漢爵八尺表想營周班唐家宮觀蓋準此
面勢包舉南北山山經玉簡祕神府石膽金漿不輕吐
全嶽精華依傍汝晨來丹鳳夜黑虎此幅虛右將誰竝
我有渴筆安敢補墨池雲氣忽倒飛散作山腰大風雨

送擇石視山東學政

吾鄉黃宮詹康熙歲己丑齊魯持文衡及謁新城受到
今六十年公子繼其後

忍廬都諫

行役役未終天待雅頌手

昨者

帝東巡巴徼屈羣醜泮宮廣德心思樂歌芹菲力久惟切

古輜軒陳不徒誦矐眇四始與六義械樸斯薪標轅固
暨申培弟子相授受蘭陵浮邱說十蓋佚八九所貴乎
經師與觀本敦厚焉有唐宋來格調仿誰某新城在

國初風流標海右遂荒大東宅蔚爲人文藪豈無白雪
樓香結蘿薺友浩乎一擺落終不泥窠白海內王與朱
秀水誰堪耦三百卷經義八萬軸奄有晚年臥長水二
老難聚首心飛蠶尾樹踟躕爲之久今日夫子亭遺構
猶在否大明湖水白空光動秋柳先生持節來前定蓋
非偶論詩于今日河海原委剖必從齊魯始俾之洙泗
守車服禮器稽鼓篋非微帚聲振條理成大樂殊鳴缶

諸生以時肄環來大小叩先生親講畫虛衷極善誘溯
聞於其鄉弗忍長水負採風于斯土亦弗新城培調和
甘酸辛樸斲丹粉黝如門厯堂室如居有戶牖初盛中
晚派律呂音均紐直從泰岱顛下視衆培塿暇日自編
集一卷冰雪瀏時復鏘然讀海山巖洞阜前賢儻共聽
何者爲不朽此在文句外又非耳與口泱泱乎大風圈
枿百籟吼世閒眞宮商尺黍咸自取我忝屬知音臨別
把瓊玖千燈均一光到眼識星斗昨魚門屬余錄先生詩爲鐸石齋詩鈔四
卷門外喧八騶周爰咨四牡旣爲吾徒悵春糧孰餉糗
更爲東人喜學圃添滋畝宿陰鬱牆槐新涼發池藕勿
輕今夕醉猶是城南酒

六月十四日同魚門話別蘄石齋

咫尺宣南坊邸月低回二十五年心勿輕一笑來相值
實見千秋作者深夜雨響添山海夢微涼襟又竹梧陰
酒邊明日逢朱五吟舫如何獨放吟

待竹君不至

御銘松花石研歌爲鄭耘門編修賦

耘門曾祖幾庭先生所蒙賜也

研池刻篆書新民二字背刻御銘以靜爲用是以永年八字

天河發源導三江

山用遺

混同鴨綠流湯湯砥石之山東

極海松噶里卽眞銀潢

國語松花江曰松噶里必拉松噶里者天河也

邊摩星

日沃元氣凝結綠玉皆崑岡巖雲蓊鬱吐紺碧黛螺細

膩浮青蒼

上聖格物妙追琢川嶽貢瑞來文房何論端谿歛谿產

乃備諸德兼衆長

錫以銘言創以式帝鴻篆寶垂琳瑯日供

玉几發

天藻新民

念切幾惟康靜用存神會有極永年瀝液思無疆同時
近臣拜此 賜珠光璧彩聯戴筐篚候官宮諭經術手珥
筆舊侍 螭坳有八十扶杖拜 金闕南極老人應壽
昌曰惟永年永寶用子孫奕世篤厥慶果貽孫曾富文
史仍攜此研上玉堂手摹銘文示同好時方甲乙抽書
倉同人拜觀皆起立豈止世澤門閭祥君述祖德念忠
孝如石砥礪資廣颺充其靜用保其永迴環銘義時毋

忘陶舫冊子一家物尚見磊砢符琮璜侯官林氏陶舫研銘冊首以奎
研連綴七眼爲合璧連珠之象蓋林鹿原
獻是賦得直武英殿而琢石以記也君持此銘壓
卷軸燭天夜氣騰虹光

送曾應之明經還歸善

我植豐湖樹十年鬱維喬婉變總角卽今已貢于朝三
十五經立屈指非迢遙辟雍鏗鼓鐘奮翼卽烟霄同學
少年者馮趙共僧寮攜手日過我涼話徹深宵計我得
粵士吳潘溫與饒譚藝觀其深相勗非一朝馮生從最
久吾門比謝姚雖於行李餞不用烹鮮邀是以援此例
飯菽設簞瓢子其深味此勝于膳膏膋子初來京師眼
力已超超馮生住五載名重腹轉枵日月逝不居酬接

紛以囂孰爲眞讀書能如昔垂髫識字辨訓故藻采非
空雕外物去其蔽內養戒其驕知子憶羅浮不是託空
寥以息驗天機所得滿歸橈時復晚櫂餘夢此秋燈挑
萬里或聲應試聽大海潮

書夏仲昭竹卷後

玉峯一夜飛泉響雨氣四山來莽莽薈龍一枝先得秋
幅紙三丈神千丈九龍齊名夏太常簫材不裂炯炯光
戊春重題酉夏作閉門綠雪山窗涼宋子愛畫兼愛竹
持卷畱我青棠屋黃生臨畫如仿書前夜燈下來踟躕
明晨積暑雨初退磨墨長廊解衣帶咫尺莽蒼眞一快
風濤吞吐石硯礚忽焉變眩風雨會不知泉落何峯背

向夕尋源轉茫晦，寒簾指與宋子看。落月正在空林外。

縣潭山館十詠爲坳堂郎中賦

葆真堂

德全雞似木枝絕，瓦誰飄目擊溫伯雪。使人意也消。

初葺

頓鈍非二義，物惟能止難。君聽萬天籟，大海浩迴瀾。說文

初頓也玉篇鈍也

翠香閣

趺坐觀心處，白毫生靜光。相關庭草翠，不斷砌花香。

莓迳

綠與詩意延，前山迳可取。空林氣襲人，昨夕冥冥雨。

律素書廳

獻書

賜書得榮應律素酬書廳光照處今起

御書樓

嘯雪樓

樓下雲往來樓中客清嘯雲山韶護音唱和鸞鳳調

蓼陽茨室

既以山茨潔能邀水蓼紅采芳聽礪響吸瀝上秋空

息軒

物生蓋恃息默濟離與坎露珠起稻莖平旦初何感

待月簷

客到琴初薦簾開坐屢移偶然拈句出正是月來時

澤花腴菜井

草木有和氣膏濡乃發英持源取不竭所以道心生

海寧陳文勤公兩孫來遊都門漁湖侍講亦適

入都同年集話小齋賦此二首一以贈兩陳君

一以贈漁湖

侍坐恩門廿五年諸孫風度故依然循陔尚護平泉植

賜第誰憑白傳傳鳳閣深陰餘履迹鯉庭留別記詩篇

忍冬宅子梅花夢昨歲摩挲其老錢

前秋與釋石同題王樓村十三本梅

花書屋圖因有師門之感樓村初白皆文勤公同年也

星聚遑言接太邱日邊近已憶安州可容綠酒霑衣袂

每對黃花倚寺樓月照人憐交影瘦霜清詩是有聲秋
勤來且莫營婚嫁未必真能五岳遊

題鄒曉屏編脩所藏明人畫滿城風雨近重陽

卷子

霜黃層疊圍霜紅霜華幾日如此濃攬林忽聽風雨作
城頭望失諸青峯諸峯此時大開合正在秋響一氣中
風從西來雨東注翻天雪浪空江空臨江茆堂濕不掩
遶牆野菊斜成叢有人餐香落英拾登高已辦斜陽筇
連宵滌除一淋漓樓窗擁出千芙蓉從來詩人要得句
先以妙助煩天公催租敗興假託耳莫信裝點寒酸窮
畫中何處覓詩迹渾平樹石烟濛濛

丹叔直閣於詹事廨揭得明王百穀爲雲閒顧
天錫八分書一枝軒三字石刻賦此并邀雪門
宮允同作

我去宮坊十三載簷樹濃陰陰未改海滙先生拂席來
牆隅片石摩挲在長生館主燕市遊却數前遊二十秋

前題云萬厯戊子夏日雲閒顧九錫構得此牡丹香烟
軒百穀遊燕在嘉靖甲子再遊在隆慶丁卯

記殿上鳳凰阿閣仍枝頭隸書那復長洲派竹箭梅花
錯金薤翻於疎瘦得整齊橫直天然相向背玉河東隄
接禁林左右坊泐宣宗箴今日誰知顧主簿當時最憶
王江陰黃家尚存經庫記東觀西清成故事百年文獻
憑弔餘一枝清切森嚴地海滙先生下直廬文昌天上

四庫書禁扁漫搜王繼志舊聞試續小長蘆

贈周碧山

姚中允說周生印今日兼讀周生畫皴法果用六書爲
堊垣不厭千回挂子良摹印作刻符三十五舉誰核諸
競傳草篆到小宛那識燈光半雪漁燈前拂軸增踟躕
送君霜晨欠一壺安得三橋來落墨我詩慚媿寸鐵朱
與君倒困論六書

文三橋每自落墨一
使何雪漁鑄之

九日竹井閣老招同諸公獨往園登高二首

如此樓陰貯晚涼不虛客到每重陽好花對以茱萸酒
怪石兼之薜荔裳獨往翛然卽詩眼叅禪偈子借山光

是日竹井卽席賦有山
光奇在不分明之句

城南寺塔飛騰思盡合收來畫

檻旁

韋杜瞻天幸接鄰
高岑緩步孰前因
遠懷夢爲觴飛作
石也舊事拈來畫
橐真薄暖更餘霜
氣味夕陽全是菊
精神公詩不寫閑
花竹有箇凭欄共
立人

觀董蔗林少宰所藏蘇文忠定惠院月夜偶出
二詩草墨蹟

紫霞碧樹之高軒
綠酒紅燈此霜夜
誰歟一波三折閒
公平鶴馭星幢下
臞翁昔曾詩品喻
滄海倒注銀潢瀉
豈知滿紙蛟蛇黑
燦作連林萼跗亞
柳風梅雪飄不定
嶺月江雲巧相借
杜公自改梨花句
人力未必天工謝
學蘇誤謂迺一掃
覩此應驚退三舍
鑒山正要觀鑲石

學劒先須論舞蔗重章共述義始完疊韻非矜險不怕
固知真放本精微何必文章成怒罵

岌冠瓊珮屈正則目送手揮嵇叔夜二者偕來供筆勢
一字千盤不苟下想到山陰繭紙初何須季海奔泉瀉
黃州是時居甫謫海棠尚遲枝頭亞豪情一入道眼觀
醒客翻將醉語借渾忘八法體欹正那計三春豔開謝
如此筆墨真觀化幾年簾櫳堆僧舍雲烟借問墨林墨
此詩墨蹟曾藏項子京家瓣香今拈蔗林蔗借觀竟日目爲眩偃筆
雙鉤腕先怕扁舟字異誰所摹婺女廳碑供醉罵

王石谷溪山無盡卷

溪山自是真實語曰無盡乃張大之或云無盡借禪喻

畫耶禪耶吾弗知但讀恭壽老子跋翻以無款稱其奇
亦如畫以無盡目意若不與溪山期九龍烏目往來處
疊橋架厂非虛爲連絲攢簇與平曠極力頓挫皆坦夷
東坡妙拈昏鴉際摩詰坐着雲起時展之丈尺復丈尺
脈又生脈支生支世間那得如許絹請下轉語更莫遲
白石詞盡意不盡我却置畫專論詩

書傅青主父子書畫冊後

負笈相從有少霞元經門內得侯芭性情直接汾諸老
書畫難量晉四家

祁縣戴楓仲撰晉四家詩青主父子居其二

絹素練餘歸

大冶霜紅褪盡是真花神與尻馬何邛壑萬古淒涼賣
藥車

書張力臣濟寧學碑釋文後四首

鄭簠張昭與傅山劑量隸法漢唐閒只應不見遼遁字
翠墨黃縑苦不閑

塵鶴江磯客側身季宣銘亦面牆塵幾時掘得千將起

五緯周廊列宿陳

鄭季宣碑正面通牆而下半埋地中

斷石膠東世罕知郎中碑尾字參差可憐樹底仍欹臥

徒與秋蟲結網絲

膠東令王君廟門斷碑與鄭固碑下截皆近日出土

六書不厭附文重周憬端須辨曲紅辛苦鍾山說書客

溪堂何有竹林風

覺竹溪書王半山詩四首今人誤爲覺詩

祝芷塘編修以王蓬心錢璠石俞養喜合作畫

冊屬題卽用冊中蓬心臨董書儲詩韻二首前

一首懷蘊山姬川後一首懷蘊石心齋也

三載不見君接葉已移屋語我邗江上挂帆昨信宿宣城懷謝守禪榻誰杜牧彼美蘭陔子非歌考槃陸紅橋其燈火烟水空雲木借問北苑山何處東野逐

蠶蕙不畫蘭知君樹爲屋言詩卽言別儻戀桑間宿錢子喻臭味紀侯託耕牧乃知王與俞不專師顧陸清風褰虛簾微月挂疎木異哉窠石氣累君清夢逐

爲周載軒編修題桐城張堃堂廣文畫卷二首
時聞莊亭詹事之訃

書畫豈生涯文章自世家淡交蘭臭味禿筆樹杈桎鄰笛風何急江船月又斜皖峯青峭影忽夢落窗紗

燕國諸孫子宮詹有父風玉堂三世集珥筆十年同竟
愧師門託仍虛著錄功因君拾故紙灑淚望舒桐莊亭曾以
尊甫中峻先生詩
集屬方綱編次

書萬季野明史列傳手稟殘本後

紀傳四百六十卷淮陰劉家錄其半史表史志用力殊
班昭劉昭孰一貫徒令橫雲題作集體例依然無論贊
當年砭砭蒐廢墜想披實錄爲三歎舊家文獻浩誰徵
平日稗官紛不算千秋不少野史亭幾箇無欺青竹汗
貯瓢班敘自奇古索米丁儀非點竄萬表傳與王氏刻本不同不知
初稟經幾削今者烟煤沉焦爨依稀黜陟紀九邊零落
章奏爭三案傳聞更有明通鑑恨不同茲勤手盥石經

考存石鼓亡彼書錄者徒供翫

季野有書學彙編二十四卷

楷勢畧

似梨洲老挑燈悅在華亭館如此手腕繼南雷不得翽
翽上東觀吾輩汗顏何以報日日虛糜大官祭

復初齋詩集卷第十五

大興 翁方綱 正三

祕閣集一

丙申十月至
丁酉八月

是年六月

天子開文淵閣貯四庫書

命儒臣充校理

臣

忝預是選以名其詩志榮遇也

馬和之干旄圖卷

干旄載馳竝橫卷皆藏汪氏漱六齋此圖或云載馳是
想同漱六齋中來禮賢固勝閔顛覆彼姝亦異女善懷
兩驂兩服又牽一五馬義匪毛鄭乖注干者旄通帛赤
韝崇義圖所未該彼姝馨折大夫揖似諷南渡需賢才

草窗昔記畫院品侍郎不與諸人儕豈止執藝爲諫諍
要以雅頌除淫哇至今流傳百什一能令懲勸興歡哀
昨者幽風七篇軸鴟鴞之妙尤難階大木漂搖撼風雨
莽蒼一鳥翔且迴鴻飛在渚工遠勢鱗魴九段權水涯
馬蝗描法鐵線法印證此卷真奇哉畱賞三日竟飛去
陳子屢歎當停杯今晨查君忽攜此絹昏那惜雙眼揩
樂卿小印宛然在玉水跋語何其諧惜無思陵御題字
幸免靚逅相疑猜幽風卷中靚字缺筆快幽風卷去此
卷至窗光旬日無氛霾古人遇合蓋不偶圖畫亦與時
會偕浚郊杭京二千載斯人何感無良媒興人目光尚
顧盼繚絲零落怯屢開急從街南報陳子續入畫錄毋

湮埋

厲樊榭有南
宋院畫錄

題筠樓十五姪徐潭詩卷二首

潭在莆田延壽
溪唐正字徐資

所居

書來誇水碧詩境與潭深下上星橋影低回石匱心下

有石匱相傳
正字藏書處

圖成託桐巷雨氣合楓林知爾日無事僧

房鳴玉琴

鄉間千載話猶說弟聯昆

正字七世孫宋熙寧
中有同舉進士者

豈直科

名重端從氣誼論汝兄畱惠政有子善培根潭草春長
綠萱堂看弄孫

雪後痿同攜米元暉五洲烟雨圖卷見過董題

尚存而後半及跋皆割去矣爲之慨然因盡和

卷後原題七絕句韻并邀舍人同賦

江邊舊夢杳無痕
隱隱林巒淡淡村
天地爲師纔得似
誰言派法只家門

高樓北固一襟風
目極南徐萬里空
夜雨初晴曉烟泮
瀟湘直在卷簾中

刻畫曾何迹可尋
右丞寄託本來深
苦拈墨戲雲山法
未識京江望遠心

開闢神功向背分
李家鈞筆更氤氲
請參宰相山中相
豈但人扶詔向君

元暉自題畫陶隱居詩後云壁張此畫定驚倒先請喚人扶著君

吳淞半幅誰剪去
赤岸翠濤無此濃
我夢九霞光冉冉
氣蒸忽墮一青峯

高下儲藏迅電奔香光眞賞在乾坤吳頭楚尾憑誰證
萬壑流雲注一門

踏雪敲門說臥遊寸箋六百幾春秋區區爲記淮東印

癡絕工夫劒刻舟

高澹人所記黃氏淮東書院圖籍印六今亡其二

題趙璞庵光祿授詩圖四首

開函清淚灑霜空一代才名孰比雄
瘦骨峻嶒皆浩氣暮雲慘澹起長虹
不徒國史存文苑遂有祠碑說慰

忠

成都建慰忠祠王述庵爲撰碑

六義從何著箋疏九原耿耿此孤衷

乞畫淋漓自寫哀儼同十罈一時開香橫鄧尉林端雪
怒起龍湫地底雷塞埃館垣晴倚眺泉秋笛夜月徘徊
燈前重說平生夢眞見先生策杖來

河內陽平派別難底從家數判毛韓烏臺況有申培學
鯉對偏思丙舍安萬木深圍嘉植蔭半江飛過翠濤寒
何因十載先成畫綸披簪毫正拜官

有子飛騰上禁林蓼莪廢後義尤深建安能者名同噪
杜甫家兒事克任巴徼剩來殘柑藥春明話到舊苔岑
丈夫如此垂天地淒絕江湖萬古心

表弟楊彤三守泉州以計薦入都話舊三首

忽忽廿年去翩翩五馬歸素心仍淡泊中表有光輝昔
別記何地深談且莫違城南凍雪裏不忍見雲飛
爾我家門似長貧又早孤

君恩重山岳先德積錙銖宦海君能濟詞場我愧蕪此

身何以報努力慎前途

寺塔慈恩句飛騰舊有名情親惟杜路骨相說蘇程老
輩皆凋謝同岑少合并巡簷梅一笑痛要百壺傾

文休承畫

白雲時到長松上雲外何人把釣竿收得山光來枕簟

畧供八十七翁看

末題云嘉靖丙辰二月作是時衡山先生年八十七矣

痿同和五洲卷後原題三詩是予昨未和者今
亦補和庶幾他日獲見此卷之全也

虎兒筆猶龍首尾或潛見當其落筆時神來迅飛箭淡
者雲岫勢濃者烟樹姿卷中塞予竚卷外渺予思

中丞詹事隔十載

下令之記此蹟在康熙二十一年壬戌高潛人則在康熙三十二年癸酉

也此後不知誰氏傳碎金或僅丈得尺雲氣由來斷若
連可憐半段題躔在壓破幾家書畫船宋箋螢膩照如
炬兩夜神光驚屋椽

客來談五洲洲勢隨山長四山迴合來風氣露與藏所
以缺者補後歌續前章我詩何足言千燈本一光劍合
何時歟莫邪與干將彈鋏乎歸來投合必孟嘗神聽已
吾許精爽儻在旁

不晤裕軒先生半年矣先生以詩來次韻奉答
丹田息息照靈臺日至微陽地底迴連夕室光收默坐
高人知覺有書來

范邁亭明府招同趙鹿泉奉常鄭晴湖王元亭

兩給諫聽譜赤壁賦新聲卽席四首兼送邁亭

之任湖南

江頭臘雪點征衣剪燭同袍願不違別夢乍醒人未去
今宵眞見鶴南飛

秦箏本自響泉通和璞誰言次律同我與東坡證前語
非關鐵板唱江東

門前驄馬已頻嘶

時晴湖將出視通清元亭視南漕

二客停觴去故遲

定憶笛聲中拍處空江夜半月明時

泠泠妙指爲誰思渺渺行雲度九疑君去重拈弦外意
蜀人文賦楚人辭

彤三道出涿州假畱展墓五日而行寄詩送之

畿南韋杜舊頻經淚灑松楸此暫停但祝生兒識耕稼
不愁伐石少碑銘舍留書帖應題丙莊指炊烟記姓丁
霽雪湖梁好山色眼明猶似故人青

書元遺山湧金亭詩石本後

嗚呼河嶽精乃在百泉側迴幹太行來百靈供筆力時
從史院出內鄉初奉職聊卜鹿泉居已喜龜墨食拊掌
孫公和袖手謝安石時事無可爲但坐看泉脈日光搖
金沙激響叩空碧張杜麻數子可與豁胸臆鬱律突兀
氣一吐于厓壁龍門傲純陀那復知薛稷安閑乃神勇
正書始造極後來傳山輩欲追安可得長嘯出天地但
恐河汾窄擊節公定聞青天月華白

題王秋史寒柳詩冊次原韻四首

無多烟態受評論
憔悴東州水一邨
如畫翹塵前夢在
相憐青眼故人存
忍聽朔雪重翻曲
若比東風更斷魂
多少詩家未拈出
遠山橫處暮雲昏

棠川手植翠仍新
黃葉聲中念念塵
今我來思還視昔
樹猶如此況於人
江頭鴈信邊庭實
笛裏商歌謝茂秦
上下縈迴千縷恨
不因攀折漫霑巾

明湖唱後繼聲稀
樹亦婆娑瘦減圍
奉母邨居能卒歲
著書郭外又斜暉
倚門淡影鴉橫點
繫舫枯椿客暮歸
併畫石閒泉氣出
亭臯黃落白雲飛

惲鐵
簫畫

石碓溪流夜自春
焜黃墨落意尤濃
凍餘轉切苔岑憶

蓄極方蒸翠黛重廿四泉名人宛在丙申詩話歲重逢
秋史題在丙申十二月
怡興今題時同爲君悵望南園築肯擬瑯琊那曼
容

詩境篇題放翁書石本後
石在韶州宋假守方
信孺摹刻以下丁酉

握衣昔上聞韶臺武溪深碑剔莓苔好庵老子前哲懷

武溪夢溯邪溪隈不知詩境何所指或云經緯麗密宮

商諧

宮商叶諧經緯麗密劉後村序方信孺好庵集語

或云先生蓋自道百篇

之藁七十八日纔

方信孺家藏放翁手錄詩藁自題卷前云七十八日得詩百首詩境

從生乃造熟熟後平坦皆崔嵬韶江合瀧江兩股遠綠

交喧脰我時摸碑到日夕正見雲氣一縷浩浩蒼梧來

江山信爲詩境開我醉江山酒一杯吁嗟放翁一代才
江山氣尚洩不盡吁嗟詩境曷有窮止哉所以兩字怒
壁立直幹萬古元氣迴無已姑以名吾齋

題文信國書蘇文忠寄參寥詞墨蹟卷

酸風一尺模糊絹制置張家舊團扇朱鳥魂飛黯黯雲
鐵線盤空目爲眩天風海濤颭瑟聲東坡詞寄餘杭院
嗚呼爾時餘杭安在哉銷金鍋子錦繡堆錢塘江潮去
不迴丞相丹心寸寸灰張制使旣合州死醉江月又南
康杯颺風起兮海水湧浮邱道士自寫江南哀請聽黃
鍾阿刺來

信國和東坡醉江月詞在南康
軍作也信國自號浮邱道人

任子田儀部母史宜人挽詩

五年藜閣夜連晨夢寐萱堂笑語眞每惜分陰常計晷
自憐寸草忍言春豈徒壺內傳家訓實爲天生績學人
宰木空山泣風雨鳳巢他日更嶙峋

李畏吾舍人烏巖圖

君不畫專城捧檄馳旌幢亦不畫萊衣畫錦輝鄉邦但
畫烏石山邊一草閣仰者飛瀑俯者龍孤亭收來峯厯
厯小橋跨出流淙淙疎花密竹與山稱不獨架厂來崆
峴烏巖之名意有託亦不取烏石臨螺江中有一翁倚
山窗芝顏鶴骨眉未厖一童村邊荷擔至擔者肴榼或
酒缸君兮笑前導指顧臨石缸釀泉勿問柑蕉荔採蔽
或雜蘅茝芷山村山閣去咫尺往來不用買小艘十年

夢之一日就喟焉置筆心未降吁嗟君畫已就心未降
安得溪山橋屋眼底一筆扛哺烏爲爾飛來雙

明素紙扇歌

條條烏竹光嬾娟云藏故家二百年二百年紙世已少
何況舊樣金陵傳李昭蔣誠製骨好徐家銅器名相聯
成宏上溯永樂際白松摺改絹式圓金面熟捶出東海
聚頭作貢誇西川金多素少時尚爾每惜吳下題諸賢
後來金陵伊及仰老礬紙異涇與宣溧陽歌扇偶一見
曹氏靴扇名喧闐黑油障翳光抹漆泥金書畫爭磨研
羅衣香汗金易污何如後素粉地全齊紈皎潔匹白羽
雲母滑膩輕金蟬摺痕中央濶於指可容蠅楷百且千

嘗見明人一花罇十手對面皆長篇我書不工扇遭沈
行行黑蟻相盤旋扇書每苦客傳玩當畫不獲風泠然
幸因製古貯之篋那便誤筆成烏犍詩成諸公競要寫
又上鏡面高麗箋

韻亭詩爲莫青友編修賦

以我詩爲境規君韻作亭廿年慚研接隔巷每車停早
歲鱸堂兆師承鯉對聆三花占秀異雙柏切儀形隨侍
來京國辰春陟大廷與余彌臭味擇友盡箴銘苦語
須深繹諛言慎勿聽洞觀雖似燭守口必如瓶汝父官
曹鄆能廉辨渭涇友于況繼起兒子克前型所務研千
慮無過熟六經聖人於動靜提耳以丁寧泰尺能尋律

磬鐘亦赴筵抽餘二萬卷吟到第三廳擲地聲金玉探
源海日星歸來齋寂寂試覓籟泠泠舊雨新晴憶盆花
砌草馨爲題初聖壁此友爲誰青

匡橘亭裝予研銘爲軸屬題卽送其之任保康
下巖端溪石自銘復自書大小篆行隸橫直圓庠觚匡
生解人頤貫弗如緇珠乞我寫釋文又以喻麋濡循環
象滋數皆可尋其初經師爲治理治理卽師儒隨方善
教養刈穫連耕畝積此尺寸田裕彼井廩儲臨別重磨
研風帆渺江湖交孰石如介語孰銘可摹君當日砥礪
貞志終不渝我當日企祝他日成合符

今年法源寺海棠未往看也宋子以詩來漫酬

之

錢公錢補春遊費詩石酬花未踐言

昨韓石寄贊欲刊同人海棠詩於石

我似低回爲詩惜君仍繾綣與花論雨如舊友來能記
月到西廊夢有痕兩片石幢濡翠墨欲將冷淡叩禪門

將託趙生拓寺中石刻

挽邱木亭侍御

如何旬日別遂已失斯人尚想英靈在初無短折因牢
愁不挂眼談笑宛如新師友風期古家庭性行醇坦夷
推物理磊落見天真痛溯平生夢從遊十八春桂枝早
蔭鬱柏府晚嶙峋乙榜雖多士魁經最絕倫漕司屢敷
厯腹笥必經綸報國積誠悃趨庭有老親貧交裏舍

飯稚子叫蒼旻我愧爲師長聲哀動席賓昔錢司寇歿
寄奠大江濱歎息看牛斗吁嗟識鳳麟謂君起臺閣幸
其託松筠謝子往還札姚郎清瘦身知心吾學侶此淚
向誰陳他日平司馬同過古劒津高樓儻懷舊秋色更
傷神長笛城南夜悲風起四鄰

題任子田雪屋誦經圖卽送其居廬南歸四首

如何寸草報恩身却借瀾翻布穀陳淚灑冰天無處拭

心傷絮線爲誰紉半生蠹簡薑搬鼠當代經師角起麟

憶否畫圖孟杖側長齋刺血寫金輪

子田嘗繪其尊人孟杖爲圖卷

臚唱初傳第四聲望雲躑躅十年情彥昇不獨工箋表

校尉從來說步兵萬卷

帝文光著錄五春臣職在蓬瀛麟臺故事文淵目特爲

儀曹附姓名

上覽麟臺故事因下詔設文淵閣領閣直閣校理檢閱官是書君所校上

黃幹吳澄各續朱禮經禮傳孰先乎勿論喪祭須增補

近有徐

健庵

閻詩待合符詁義雖聞惠紅豆考詳尚闕小

長蘆區區辨證君焉用要萃諸家作大儒

無復雷塘艷舊遊而今實學在揚州翰林館課轅將返

王懷祖

吏部家園夢未酬

程魚門

獨借趨庭問詩禮更將奇

字補揚侯

君方輯呂忱字林

石渠金匱須君手雪屋中能幾日

畱

昨所題明扇葑林黃孝廉臨王石谷湖莊清夏

小景于背因復題此

濛濛烟渚綠參差萬頃荷風一釣絲癡絕秦家秋葉底
月圓新碾瀾花瓷

墨梅

斷雲斜壓瘦蛟背古寺橫江月落時似我草書蟠翠壁
夢中乞得倒垂枝

吳越錢忠懿造金塗塔瓦拓本

款云吳越國王錢宏俶敬造八

萬四千寶塔
乙卯歲記

錢王五聞晉仙詩朱檢討昔覲見之一瓦云落白蓮寺
是耶非耶吾弗知四王三世八十載十四州塔八萬奇
寶所保俶畱不得黃妃語記訛黃皮俶也上體祖父志
合什讚歎經尾詞幽州殿軍著臣節不獨獻納完城池

繪象何必梵夾事桑麻雞犬皆恬嬉白衣相光來入夢
踏錢牛兒當是誰天斜陰欵記乙卯多寶山石劒同時
象之碑目未搜探弔古且復思姜夔鐵幢鐵券不可拓
大書已泐東坡碑吾嘗手剔南漢塔城東燕絕古冢基
豈如杭人念遺物一瓦一字猶寶持術奇那必執歐史
從來仁暴由人爲模糊赫蹠廣倍寸簷鈴仿佛湖風吹
黃書張贈同日至一月印出千潭奇禾中秀才待親訪
書報錢七今無遲

李南礪至都莊谷書倉小山竹厂集魚門齋同

用南字

挑燈一夕勝開函薊北多時憶嶺南到處訪碑將石蛙

此身取喻是書蟬傾囊倒篋搜新刻注海翻河續舊談
名士修髯彌嫵媚月窗齊拂影鬢鬢南朝魚門書倉小山皆多髯故云

魏景初帳構銅字拓本

景初元年五月十日中尚方造長一丈廣六尺

澤深平坐帳上廣構銅重二斤十兩

秋盒手錄樊榭詩使我摩挲仲將字仲將之字樊榭云
以例魏宮諸寶器平視中郎酌瘦肥上擬二京加俊利
輶轡陡絕廿五丈何以銖分轉餘地我爲半日摹八分
手量四面圓筩紋其長三寸徑纔寸銘曰十兩逾二斤
是年五月乃孟夏改朔變律權和鈞區區範銅辨時代
不獨制度兼考文構構對交金木同五花監筩鏤益工
樊榭但知鑄昭烈孝建還聞戒義恭宋書江夏王義恭傳諸王子繼體爲

王者帳鏤不得作五花及暨笥形廣川軼事那足說石牀塵鏡支屏風
西京雜記廣川王去疾發哀王冢得石牀石屏風銅帳鏤一具鐵鏡數百枚刪丹石圖石馬
負文成不到景福宮

明天順甲申十同年圖為閔裕仲編修題公安

敏軾黃巖謝文肅鐸郴州會尚書鑑烏程閔莊
懿珪泰和張簡肅達浮梁戴恭簡玘益都陳尚
書清華容劉忠宣大夏茶陵李文正
東陽其一則焦芳也茶陵篆首并序

玉河橋邊三百騎少年齊說茶陵李得路誰知異日心
春草青袍好兄弟四十年後繪作圖閔公開筵重敘齒
敘齒酬詩復列爵尚書侍郎都御史相君漫說最少年
屈指今將六十矣沈吟指數顧坐中畫筆詩心又不同
十人三曹九對面中左坐者惟閔公虎頭方面稱去聲執

法精神炯炯浮雙瞳黃巖唱酬屢滿軸髮不受櫛詩苦
攻王公側坐戴危坐意若有在非忽忽東山草堂別幾
日飄然兩袖洪濤風誰歟隱憂白髭白花下依舊紅欄
紅時明中葉值全盛孝宗恭儉猶初政番番黃髮布卿
班濟濟師儒寄樞柄香山涑水盍簪履觴酒歌詩出忠
敬華容日高不下殿浮梁造膝敢陳病不知斯憂語奚
謂豈果防微事前定二百餘年人代遙酒痕花氣餘生
綃眼中意想坐中語圖者閔復補者焦爾時主人左右
盼取次畫手深淺描諸公心事出烘託喬柯巨石凌風
颺此意耿耿併貽後同年不止爲同僚吳興世家善繼
述西清著作光斗杓琤琤竹梧玉佩響藜垣連夜春燈

挑

安邑王穆峯爲摹茶陵象因補裝予所藏種竹

詩卷後二首

朝爽樓邊宅麻城耿氏文櫝衫今不見篋履蹟空聞烟
樹慈恩寺河橋日暮雲雙林碑篆外竚立望夫君
心跡行藏後低回史傳中百年庵落木一卷手清風大
鑒梅花夢靈巖釋子同欲將猗藁影寫照入霜空

題蘭泉廷尉三泖漁莊圖三首

黃浦三江匯機山二陸居扣門新醉酒繫柳滿船書鐵
笛繩牀外簾與筍屐初月明伊軋響風定夜潭漁
孤塔如人立灣環別一莊溪流屢迴轉帆影去微茫滬

濱葭蘆合奈山筍藕香烟晴簾半捲極綠際東洋

幅幅有深想毫端不盡傳石摹虞集記

虞文靖有泖涇黃氏樂全堂記

齋續鄭家箋

君有鄭學齋

悵望三千里沈吟二十年只應鄰

榻對茶熟越甌圓

張芑堂以晉太康瓦券拓本見寄卽徐天池賦

詩者

文云大男楊紹從土公買冢地一邱東極闕澤西極黃滕南極山背北極於湖直錢

四百萬卽日交畢日月爲證四時爲任太康五年九月廿九日對共破前民有私約如律令

一千二百九十載此瓦始同輩杯出

萬歷元年出土杯復青藤

道人飲大非曲水蘭亭日會稽倪家到童家一片香姜

銅雀匹墨痕細拓竹節彎夜月流光黜如漆黃滕闕澤

今何處四百萬錢交手畢大男楊紹親押字傳別質劑

約如律青藤道人生遠哀萬錢想像開金罍四時日月
何云來太虛爲室誠幻哉更疑買神說近談且莫弔冢
閑徘徊我思汲郡得佚經漆書科斗青簡青二尺五寸
伴銅鈇七十五篇雜策銘太康年僅隔二稔倉史字或
追千齡師春邵陟語綴次千百什一光日星東哲校本
竟何在數十車乘皆精靈買驢博士字安用每讀晉史
涕淚零

爲裴子光編修題書室曰吟垞

新添三徑新昌里試覓高人王右丞金碧青熒何處拾
參禪句子冷于冰

成草亭畫卷

草亭名性字天章無錫人號
獨山居士自題成化戊戌作

獨山西受太湖水獨山堂陰渺千里九龍橫捲畫障來
遠岫層林尺與咫尺前孤坐爾何人設心平曠非摹擬
頓挫虛空忽千變范寬夏珪出一揆昔人論馬夏夾筆
斧斲派何嘗無士氣簡淡得狂怪後人蹊徑分轉使胸
襟隘莫論意匠初且視蒼茫外晨雨初霽露旣晞帆開
樵響漁汲時雲巒烟樹各類形濛濛蓋以氣取之正是
草亭壯年筆杜瓊太早陳淳遲偶然有會造極至又奚
執定馬夏師

頃所作明素紙扇歌諸公以扇索書不勝其疲
欲作短篇易之適爲約以高麗海苔紙一幅見
贈韻亭諾爲製扇而海苔紙失去卽用此爲題

以塞索書者

清風未到玉川家古本齋然莫漫誇却夢揚帆陵海月
水香吹滿蠹蒙花

題蘊山郡齋唱和詩卷二首

我所期君千載事政成喜及十年前

曩別時有十年不爲詩之約

江

山觸發皆奇麗賓從雍容况俊賢禪智蹟餘碑再續阮
亭去後句誰傳玉堂連夜梅花夢憶爾垂楊柳外船

身健事未定娛親期好兒送人帆放後中酒夜深時酬

接非一緒情懷獨我知登臨偕宋玉近歲轉多師

謂宋瑞屏

明經也

南礪補拓粵東金石見惠賦此四首兼送其之

任桂林

前歲潮陽寄慚余五度過使車深悵望幽境未搜羅同

志煩詹事裁書報笥河盡推君著錄苔蘚日摩挲

錢辛楣昨

自粵東與朱笥河書云新拓金石有出覃溪所採之外者

失在耳目際尤疑潮廣間扶胥同一口黃木幾多灣沙

礫誰能棄榛荆未易刪波羅江曉氣憶指大洋山

舜帝鳴絃石先生繼我登尚多北宋字遍訪最高層半

倚臨崖樹猶驚入定僧如斯客有幾衝虎拭溪藤

叢載汪森筆猶應附史家

桂林汪通判韓粵西叢載三十卷所採碑刻最富

三

楓瀧口水入桂日南花體例該蠻服山川入墨華寄煩

賢太守驛使未爲賒

謂桂林杜太守琮

贈吳舜華製墨歌

墨銘放翁書詩境字

天都搗松三萬杵不用君房建元譜自候桐芭紫草烟
神理縣縣輕一縷呼吸黃庭內景經磊砢冊書羣玉府
元之又元我虛室碧影窗紗日當午我室蘇詩扁陸書
文以載道道集虛相著而黑信有諸詩境磨人習不除
更禿千兔穿五車子惠製之珍瓊琚謝郎押字入我室
天下朋友皆膠漆

將訪蘊山於揚州也

香亭餉梅片茶用黃詩韻

先生文字梅花味日日城南索報書畏我小窗乾舌本
助翻松響淪跳珠鉢形菊枕韻清腴山中梅花夢不如
却遣小詩催墨瀋連篇更乞卷江湖

革布什咱研歌

昔觀貫休畫羅漢因吟朱老光孝詩石研安得金天西
昆吾之刀玉切泥其研深蒼馬肝色髮拭而黑疑郢支
畫中寫經字露半行間細吐絲絲鬣昨者述莽歸橐啟
梵經葉薄赫蹏兩金川據喇嘛寺章谷水通噶喇衣
二酋俘獻捷

王師殘楮斷篋來

帝畿亦有卷端繪佛事旁行朱墨非兩伊

聖代同文象與鞮秋漁研遂陸子詒章谷水卽大渡水
諸雪山脈西南馳此水此石麤不滲橫理初受工鑄治
海溫主人校天祿方名地志同按奇揚州髹漆匣可鑑

觀者端歛交相疑增入研譜古未有正值圖書四庫編
歲方暑時

芝山爲莊谷作夏山欲雨圖

推篷竹霧四山合幾欲追逋句未曾今日晚涼亭子上
看君礬絹拭秋燈

文文水石湖圖歌

并序

文水石湖圖扇頭有周公瑕王百穀張伯起題句題云
遺墨蓋在文水卒後而畫於萬厯初也予藏一扇乃文
水與諸公同遊石湖之作正雅宜居石湖時此畫則去
雅宜之歿四十餘年矣雅宜歿時張伯起纔七歲故是
詩有老成凋謝之感而公瑕題此亦已將八十矣曉屏

編修持此求詩作歌附後

文家仲子石湖船王周與仲俱少年精舍山窗同燕坐
辛夷館和韓韓篇鵲鵲鵲接沙艇一溪柳浪桃花烟
包山木瀆日來往嚴君時甫買權旋書褰題扇必勝集
周郎陸弟爭清妍周也書克文氏嗣王也名譽相差肩
四皇三張張最後石湖之遊未預焉想當諸公載酒日
紫微去後無此賢又從五十年後蹟默數遊者追後先
酣歌妙墨事俱往惟有湖水光依然菰蘆十里響搖舫
罍罍四際青粘天休承畫時淚俱下況展遺墨臨風前
茶磨峯影峭半幅雅宜書屋畱數椽尚論吳門職風雅
締交文字惟山川吾家篋耶鄒家篋秦箏誰道卽響泉

茶甌初熟新雨過好風忽到秋燈邊

張藻仲詩翰四首爲芝山題

黃箋拂拭窗光下想像東吳北郭閒
藻荇離披流水影臥龍舞鳳對看山

禮書應召上蓬萊御筆親題小秀才
詩尾記看年至正明人習氣未曾開

玉磬山房二百年月虹依舊落吳船
杜陵數子嗟貞觀人物當時已眇然

明帖君家祕百函氣凌東海草書堪
袖金揮汗來酬直

鼠腊何妨鄭客談

客或謂此卷是覃溪摹本

陸清獻答嘉定錢子辰手札藏子辰從孫獻之

所方綱既爲題跋復摹其副於篋今獻之失此
卷來索重臨一通并題此於後

此卷失去非無意重書蓋欲警我頑成名而後好立異
今之學者多此患孰爲先生真手蹟故在清夜方寸間

區區欲問公歸集朱涇水轉隔江山

清獻去嘉定時士
民數千泣畱不得

因刻公歸
集以贈行

復初齋詩集卷第十六

大興 翁方綱 正三

祕閣集二

丁酉九月至
戊戌四月

漢石經殘字歌

熹平初作皇義篇石渠故事追孝宣通經釋義事優大
文武之道非丹鉛雕蟲篆鳥邴比數鴻都未立前三年
議郎意不在工畫蓋以正誤代傳箋蘭臺漆書敢私易
煌煌日月當中天四十六石堂十丈聚觀車兩爭駢闐
楊家畧著洛陽記宋初尚有斷石傳東觀論出御史府
論語跋記董廣川成都會稽各搜篋洪相八石精摹鐫
因依破缺非貌古太璞粹氣逾于全吾鄉孫氏研山笈

南原摹本殊不然綵原綵辨槩與簫毛槩黃槩烏非焉
鄒平復聞張氏本研山又落吳淞船義門每用譏退谷
弄藏鑒別相後先盍毛包周證魯義歐陽夏侯訂孔編
越州閣圯海水綠柯亭桐爨朱絲弦玉郎半圭虹貫斗
龍領百寶珠騰淵崑山顧亭林四明萬季野各有考我欲彙
續無由緣便當摹勒自此始涓濡溜且尺研穿乞名蓬
萊扁小閣賀梁語鸞來翩翩

述庵廷尉招同諸公集陶然亭分賦五言

旗亭畫壁詩偶出騷人託英靈間氣集又非一時作公
錄湖海什聊仿真率約筵雖萃簪紳體不拘臺閣秋聲
入蒲褐拈出當郊郭城陰葭莢間山翠衣襟落夕陽烟

濛濛飛鳥去寥廓觴忽望遠停留爲懷人拓同聲感于

喬在陰和爾鶴曰佩湘臯蘭誰喻檀園薜琴理了無因

畫稿從何著坐中有彈琴者試續西園記還訂重陽酌

小松以所得漢石經殘字屬題方綱既摹上石

自扁其屋曰小蓬萊閣今日小松書來云先少

叅讀書南屏處名小蓬萊欲構小閣刻此不謀

而合洵一奇也因爲題其石經卷首曰蓬萊宿

約賦此四詩奉東

敢說蓬萊頂簪毫近道山字初摹羽客子以惠州元妙觀白玉蟾書蓬

萊字靖屋後石荀名早錫湖灣世澤英靈在重盟紫翠間今宵

秋影夢已聽水潺潺秋影君

洪相鑱山石何年別會稽禹陵風雨合南鎮日星低
竚想靈威使慚當太乙蔡玉函青赤字綠樹但猿啼

遂有雙翻本相望冀與杭千秋漢分隸一脈蔡中郎題
跋援胡質伽藍續洛陽書生金石癖應並說翁黃

賤子奚足道先生千載心畫圖蘇共米寄託口猶今適

以蘇米二公像惠寄悵望端明後津涯海嶽深文章卽經術何以

答知音

憚南田清溪歸櫂圖

白雲外史毘陵歸孫君同舟看毫揮空江玉笛裂翠微
半刺紙倏烟霏霏遠者烟巒近漁磯烟雖著樹樹不肥
平雲橫凹不得飛餞筵酒痕尚在衣卸帆曉氣同清暉

孫君熱香閉簾幃坐臥不復思王聳六十年篋識者稀
鄒子豈見杜德機南窗斜日叩我扉夜邀宋子露旣晞
月明籟定悟庶幾我餐此秀以療飢打破畫家一字圍
南田與石谷書云作山水一字關最難打破曰窘也予倩宋荊山爲臨本故云爾

同慕堂少卿步玉郡倅飯夕照寺感舊之作

三十年前讀書處隔牆還見野雲橫得抽祕閣丹鉛暇
來聽空堂梵唄聲事與秋光俱杳渺夢追夕照不分明
已公茆屋休公句未盡茶瓜宿客情昔有詩僧松芝居此故結句云爾予少依外家於此寺儗蓋所懷者非一端也

寄祝蘅石閣學七十壽詩四首

詩壇今代斲輪家回首江湖閱歲華五苦師門仍雅頌

謂桑萬松齋扁卽烟霞絲綸職近森丹地桃李陰濃列

被甫絳紗自倚雲霄銘竹杖登山時節正黃花

嗜酒天真不放杯論文胸次更奇哉奔流萬里河之曲
上下千年漢以來雪月花皆成舊識書詩畫盡掃凡材
卽今老眼收芹藻齊魯層青抱講臺

徂徠松柏氣氤氲水碧金膏鑑夜分桐拂百尋珠有寶
鳳翔千仞鶴爲羣大明湖上一杯酒日觀峯頭五色雲
玉液流霞淩倒景先生儻叩祕巖文

金風亭長七閩遊丁戊周迴八十秋

康熙戊寅竹垞七十時借初白入閩

尚賴知新續經義誰將道古補瀛洲名山絕業何多讓
秀水遺聞不外求只是畫圖非荷耒澈湖未許棹扁舟

竹垞有荷
未小像

題黃小松秋景奔圖

陸解元
飛畫

手植疎柯日夜蒼林梢鴈背好山光故人莫誦姜夔句
每聽秋聲憶故鄉

葬卽白石
所居舊址

書豐潤鼎銘後

程君鼎文拓豐潤孝建之年吾未信今讀汪考曰政和
政和云乎蓋宜慎黃子摹銘銘作圖潘侯歌詩與跋俱
陳隨隱證潛說友秀水朱到吾鄉朱舊聞日下重修整
宏治年間記掘井三茅院啓七寶山薊耶杭耶誰屬鼎
聶圖三禮該羊牛政和五禮圖未收稽古考文同審象
不徒用享延神休肇禋迄用周頌詩格幽尚氣當知之

當時釋文已訛誤況乃篆體沿于斯我未見器初見篆
且莫蟲符叩蟠扁瑣談儻傳銷金鍋力弱應嗟畫痕淺
歐陽楷石亦便陽圓珠栗玉炯炯光試想長沙軼南渡
更追屈子禮東皇

豐潤近出土有率更書
九歌殘字石刻二片

瘦銅將之陝西因畢秋帆中丞修嶽廟屬予重
摹延熹碑勒之石系以詩

二東王郭皆秦人不聞手摹重勒秦吳中近來好事者
前姜後陸爭鐫珉皆云商邛宋本出闕百闕十誰比倫
滄浪亭子漫堂詠翠微園後二十春旣從河北王氏購
王文蒸
鵬冲那美華下王家珍或云陸臨宋藏本完善宛出
璫椎新又在十字損者上幾若三本堂皆陳諸公所記

必一誤萬事目覩方爲眞陸云欲臨三百遍前後巧拙
奚斷斷山川精靈蓋不偶金天矜嚮崇明禪中丞好古
重市石舍人儻亦杜郭鄰兼旬催我始落筆霽景正值
澄秋旻窗光墨縷引一髮修忽倒薤垂千鈞初如攀鎖
上龍背步步追躡疑有神又若通天箭筈口嶽蓮雲斷
橫關津孰云方整卽奇古要信妥帖方嶙峋向來中郎
認仿佛徒與洪婁追後塵我臨此本甫一再但覺元氣
來渾淪他時足躡五千仞肅拜祠下重逡巡歸來巾箱
磨片石兒孫雖遠氣脈親世間眞復有二本與雲觸石
孰主賓未知山靈許我不因君致問玉井濱

唐天寶造像銅碑爲小松賦

大唐天寶五載五月廿日上爲皇帝

下爲一切蒼生又爲七代先亡今爲見存父母
敬造阿彌陀佛一鋪佛弟子張虔萬一心供養

正書六行并
額凡五十字

松石先生好奇古獲斯銅碑手爲跋厥嗣小松珍祕之
曾慮虛舟嗣君奪龜趺龍首背鼻紐二寸之高八分濶
其日辛未載丙戌甲子壇初黃素達爾亦中間一蒼生
同受空中靈響豁范銅爲君復爲親七寶旃檀裝鞅鞞
褚書陰符極蠅楷度人經亦窮毫末況乃大字鶴銘法
要訣無多喻鐙撥虎頭金粟神妙影珠髻鬣鳳蛟龍活
中非填金乃古綠黝于髹漆毫光抹晉公洪福彌勒碑
妙蹟同時祝香盞韓滉洪福寺彌勒像碑亦天寶五載海枯石爛爾獨完
電索雷輪語休聒馬城梅雪湖外風碧穗秋庵響松枯

何時聯句續段張金牒書如新手脫

寶慶寺瓦歌

文曰長安寶慶寺

寶慶之寺隋逮唐花塔肇自安仁坊唐宗感悟蛤蜊像
五色塔起佛殿傍嘗聞蛤像隋帝悲張祕書詩溯自隋
靖善之坊興善寺寶慶像事疑是非殿圯塔存重起閣
此瓦隋耶抑唐作九寸其修四寸廓面圓因以塔輪度
如錢輪廓肉好同四字周環一字中寺篆如壽文重重
想見萬瓦嵌碧空蒼苔黃葉禪宮哀大厯詩人幾箇來
若非鐵築松間土恐是昆池劫後灰雨點繩痕莫漫論
偃波垂露仿無因事徵誰擬段成式圖補還憑李好文
九日同慕堂太僕韻亭編修登斗母閣

今秋乃餘暑季月猶絺綌城南得地高蘭若少人跡披
榛叩雙扉傑閣無四壁暢茲北楹啓窮到西牕碧遠塔
小千針積黍難以尺迴環萬家室縱橫帶阡陌鳥背霜
意來烟外人籟積居然秋氣得渺渺空翠滴城北補重
陽竹井閣老有補登高之訂郊西蠟山展芥子方伯卜築西麓約往遊宿菊信何
其遲相邀問禪客

贈雪門視湖南學政五首

余掄西江秀倏將二十年後先登承明甫得於五賢謝
郎守揚州五馬雖翩翩未得秉使節三載皇華宣爾今
採楚風余得申餞筵一觴重山岳此意難遽傳

晨趨內廷直夕校祕館書中夜忽寤歎明發懷倚閭

高年樂南土及春剪新蔬一水衡湘間天許冠板輿人生得奉親何必賦歸歟美爾乘騶日猶似畫荻初

大禹奠南服紀石名山高徒令昌黎子綠樹悲猓猓清絕沅與湘萬古來滔滔何以屈賈輩但託之賦騷吾愛磨厓頌筆力洵波濤文章卽忠孝風俗視譽髦豈但金石辭爲我搜剔勞

杜詩於楚終蘇詩於楚始五峯揖祝融九歌招帝子扁舟蒼梧雲登樓洞庭水虛無楓桂林浩渺蘅蘭沚沙鳥風露氣至今莽未已長嘯生亦云三楚多秀士子其往收之紉佩何者是亦勿執注記鼓舵春漲起

詩到李長沙僑寓吾北平敢以詩盡之世遠意難明門

牆或未公史冊有定評肖貌以贈子潛臺出壘城牝牡
驪黃外豈敢執形聲姑作論詩觀將以何者鳴勿謂東
野逐猶是西江盟

摹茶陵小
像以贈行

岑山圖二首

天海兼雲海飛來一朵青如何連洞戶竟似到滄溟磴
削雙雙筍窻橫六六屏巾箱收寸尺此路達金庭
疇昔篁墩老扁舟訪釣臺里名貞白紀篆蹟左丞哀江
海源同發金焦寺對開天都文獻繼鄭後又程來

岑山一名小焦山元鄭師山小金山記云予居西舍
有山出水中曰岑山者與茲山比歸而題之曰小焦
山山有鄭公釣臺卽師山結廬讀書處也師山名玉

字子美有師山集余忠宣公爲篆鄭公鈞臺字明成
化中程篁墩訪得遺蹟賦詩志之一時和者甚衆魚
門吏部爲其族人量卿以圖來屬題句而并記此

香亭太常寓齋看菊

菊如人意補重陽天爲詩催著淺涼顏色渾疑新過雨
精神故在未經霜預謀寒月盆移屋誰繪秋宵燭照廊
只有交情配文格淡無一筆是花光

送孔莊谷農部請養歸曲阜二首

敏捷鈔書手優閑奉母身歸當仍壯歲行及小陽春日

下編初蕝章叩筭更新牙籤精點勘勿笑北方人

朱竹垞云

李中麓所儲書籤帙點勘甚精北方學者能得斯趣殆無多人今莊谷抄藏之富已過中麓矣

鄭簠稱分隸何嘗漢法深我思中不倚此卽道之心泰
岱窮碑篆金絲響瑟琴經腴兼筆髓東望竚規箴

小松瀕行同毅堂見過因過伯思戶部齋觀所

藏宋楊多寶塔感應碑得松字二首

翹車欲發且從容白紙坊隅未午鐘石本尚餘宮相澤
未齋先生舊物墨香聊代茗甌供書評自古難撐肉佐史何嘗
忌露鋒對榻今宵試留宿滿窓月影悟釵松

妙法拈來豈有蹤區區波磔覓何從坳堂瀉水平如地
閉目神光矯若龍著處圓成寶珠粒與君盟在麝煤松
淋漓真宰聞應許已卜他年息壤逢

吳寶鼎甄字歌

此甌一在朱十齋其一藏者顧秀才朱歟顧歟此孰是

面底四畔量無乖中間歲字損左半朱跋所以笑取材

周官法與夫差法

吳都賦采夫差之遺法

臨劓彎碣誰考哉火氣

欲交埒欲孰建業直到吳江隈吳郡助役亦想像弗與

龍首猶雲雷仙靈圖畫紅翠氣雙螭萬瓦新宮開臨平

建德鼎獲後黃旗紫蓋讖漸催石函銀刻冊又璽改年

紀瑞紛紛來小雁嶺邊拾耕戶千四百載生遠哀甌文

著錄世所少朱云五鳳甌與偕五鳳非甌制亦異此甌

字特隸勢該天紀甌聞吳玉搢己亥丁亥星周迴惜哉

朽壤不收拾一十一字恰此儕

山陽吳山夫金石文存載一甌文云大吳天紀

己亥慈子

劉翼立 吳碑僅傳皇象字譎詭不獨文類俳工陶朴

拙勝鐫篆令我摹度增徘徊二京之末六朝始書學孰
爲尋根茲署書符書必一貫轉均討側卽體裁補諸吳
錄江表傳不與鏤案同飛灰遺基莽蒼弔江水更莫遠
問姑蘇臺

康熙三十四年

聖祖仁皇帝

親征漠北宋葯洲閣學時以編修充日講官奉

命督中路運糧事王石谷爲作北征圖葯洲曾孫奕巖

舍人屬題

舍人手持囊錦冊烏目山人之手迹須知不作圖畫看
世家純臣血衷赤漠北飛芻仗節身江南才子灊洲客

當日如何下筆親觀者滿堂皆動色波呼嶺遠長城河

克勒倫到昭木多

閣學北征日記西路破賊于昭木多其地距克勒倫河四百里

中路

西路接沙磧騎者驅者羸馬駝千竿熊羆勢獵獵一線

雪磴高峩峩去尋燕特穆爾蹟

日記過典州觀道旁所傳李陵碑乃元燕特穆

爾紀功碑也

歸獻摩訶兜勒歌行營記注仍載筆腹笥文章

卽軍實往來寒暑路八千敘賞輓輸功第一時從小簇

山川上復憶腰鍵鈴馱日四驪吉甫宴多祉九折王陽

馭曾叱廣平相業美絲綸凝遠堂顏

御筆新

聖祖御題扁曰凝遠

文成重錄入家乘圖失仍歸到舍人

八十三年逝轉轂我述祖德增悲辛

先祖時以山東齊東縣丞奉委運米

至十那將風雪運糧擬試作詞林典故論

除夕前一日

賜柑橘橙恭紀十六韻

節鼓鳴 丹闕升禋肅

紫宸

是日祭

上裕太廟趨班儀告備祕館

賚重申香霧霏霏啓圓黃顆顆勻平陽元拜尹給客幸
爲鄰種自江陵貴移來穰鄧均物饒推嶺海地暖界江
閩乘傳宣

文教捫衷愧小臣採芳賚灌溉結實斂精醇氣味仍相
似丹貞必絕倫雖嘗竊雕飾更要別甘辛得並 金門
獻叨陪 玉几陳深山纔幾日羅帕遂分珍劉敞讐書
日蕭嵩拜澤辰韋詩非味賞楚頌本心純嘏露筒連潤

加籩齒漱津今冬三飫

賜芸笈早霑春

蘇門山涌金亭蘇書石本

以下戊戌

我愛遺山亭壁句每懷坡老亭上書蘇蹟果隨元蹟到
吾齋豈謬云寶蘇太行迢迢照萬古百泉水涌金光鋪
元子西來說賓從蘇公北上軒眉鬚二百年間一仰俯
乾坤清氣誰吾徒想當元子坐臥此恨不孫阮相與俱
山川激越發長嘯驚歌鳳舞來招呼伊川修竹舊盟在
洛城仿像先志居濟源艸堂結鄰里喬木臨水成畫圖
此書尚是早歲筆春陽驅馬唐鄧初愛其人樂見其字
跋泐其可辨者云爾此跋儻爲厓重摹秋澗詩雖不可見水怪瀉

盡明月珠吾齋寶蘇拜蘇像想應元子配食乎學海尋
原意寥濶料量偃筆良區區

子田揚州書來取杜句屬余分書小園二字二
首

養親唯小園江渚已春暄竹筵笋根軟蘭陔花葉繁庾
公豈詞賦孟氏只盤飧一幅讀書畫烟橫水外村
養親唯小園讀禮薦蘋蘩箋疏工夫細江郊歲月奔烏
棲新樹色鳳戀舊巢痕佇爾蓬池上劬勞更報恩

陸日爲畫

吾聞陸癡之名匹嚴怪

陸鳴字日爲華亭人與同里嚴載齊名有陸癡嚴怪之目數

筆可規尋丈外今茲小幅不盈尺尋丈勢納須彌芥江

空無際蘆葦濶海光直盡樽桑暉旁無汀渚四無山漁
舟上只青天蓋世間萬事此何有名利權謀與機械魚
鰕旣入網罟收風雨無憂笠蓑在秋空仰面雁一行渺
渺游行翔大塊爾漁者子胡爲哉掀笠大笑風吹來浩
歌一曲往復迴水禽驚起蘆花堆水風花風秋滿懷得
非陸癡嚴怪儕但恐空濛渺漭此舟此漁所陸癡嚴怪
亦莫能與偕更向蘆花深處開

爲沈匏尊題所藏乙卯鬲銘後三首

食田法贍雜書篇王接庭堅語不傳顯節陵文辨科斗

尚書郎記太康年

周食田法見
晉書東晉傳

散氏承家乙卯辰執爓左史定何人尚功漫溯商周際

王母姜聞寶敦新

躔度周天儼列星河圖大貝爛充庭半行款識從來少

三段還看眉鼎銘

銘末故左執簫史子中隔八字低半行書之昨錢獻之自陝西見寄眉鼎

銘凡三段亦鐘鼎款識所罕見者

題錢太夫人畫

上元弟子靈飛笈桑苧村人那見來空乞沈香李家像

夕陽淡墨一峯開

永樂大典餘紙歌

并序

乾隆癸巳春

詔開四庫全書館

命翰林諸臣取院所貯嘉靖重錄永樂大典分種編

輯每卷尾有餘紙以

賜諸臣臣謹裝冊賦詩紀焉

澄心堂紙歐陽詩此紙年數倍過之

歐集有澄心堂紙詩計其時距南唐

後主纔百年耳此紙自明嘉靖時重錄永樂大典計至今二百六十七年矣

況聞鬱岡比韻

海不徒博物賜防釐中天

帝文四庫啓祕館特遣儒臣披尾曰侍郎臣拱上院體

細楷沙畫錐幅餘繭素燦如雪

詔給臣等供其私歸來作牋效減樣試墨但媿無好詞

院齋去春宿旬月篇目二萬重尋思借編崇文祕書錄

因想解縉劉季篴歷城周髀要我詠六十卷第鈔已疲

莫生界畫索小字燈前絮語又及替笑人裝潢熟紙匠

萬番堆案徒手胝勿言文董但一藝廣語想像無由追
相傳永樂大典有文董手書覓之不得考此書重錄於嘉靖四十一年至隆慶初年而竣文待詔卒於嘉靖三十八年董宗伯生於嘉靖三十四年是時纔八九歲俱無寫是書之理蓋訛傳也

題枯木寒鴉圖

山逕只一曲昏雅翳野篁忽焉羣噪起幾點背江光知
有橫舟者遙從淺渚望了無人會處雲濶意蒼茫

憚南田畫

月上橫窗露滿枝道人起早雀來遲夢中一片吳歌發
正是空江倒影時

郊行

二月野未綠曉風沙不揚襯山餘雪意著樹是雲光氣

動被詩覺歸遲貪畫長始知山谷帖實善說新陽莫韻亭藏
董文敏書山谷帖云數日天氣驟暖固宜木根有春意
動者遂爲詩人所覺極歡足下韻勝也今日歸過韻亭
齋因爲書
此詩於卷

海光樓卷歌 并序

芝山於書肆得曲阜孔東塘海光樓卷卷爲康熙丁卯
東塘以博士奉使治河居興化時作芝山買以贈莊谷
屬賦

三生禪榻揚州月目極千山青一髮孤光紙上爲誰來
樓倚霜空海天濶云亭山人利濟才昭陽城北拱極臺
三字新題暮雲捲一時屬客金樽開此光入畫入杯酒
襟帶江湖動星斗雄篇應和出使君渴筆虛空煩好手

東塘從子石使君此地住三年題遍紅樓夕照天作記

頻頻疏濬計登樓獨以海光傳百年陳迹弔山川畫中

觴几故依然神光離合復盤旋恐有銅尺更出泉慮虎

建初字並鐫是時東塘治河得不爾何以詩畫全詩禮

金絲琴瑟邊英靈河嶽海編巧逢脫贈宋子賢我齋

夜夜長虹穿農曹歸後月幾圓宋子留此歲又遷早晚

相逢謝守問唱酬試續東塘篇謂蘊山將北上也

蘊山將入都題其禪智寺和蘇韻詩刻用王文

簡韻二首示芝巖和

玉堂心印兼師友兩榻聯吟更弟兄芝巖令弟亦同蘊山北來君踏

漁洋江北路不同孝博嶺南行

唱酬重續廿年前杏苑花風御柳烟添得十三樓下夢
紅橋綠萼爲嫣然

前年送彤三有莊指炊烟記姓丁之句丁莊表
弟受堂居也今春立山北來適爲兒樹端定聘
受堂女前詩若爲之兆者疊韻贈立山受堂兼

寄彤三

燈火村廬問抱經弟昆婚宦舊居停每於上塚蘋蘩采
猶想循牆偃僕銘千騎誰堪繼先甲

歲甲戌彤三就婚於家一門

互聽祝添丁年年韋杜花爭發記得鞭絲柳色青

徐潭結習圖爲筠樓姪賦

徐潭往蹟徐

昭潛夢劉夫

閱徐耶劉耶何分別爾今復結徐

潭習我爲重向徐潭說當年正字此誅茅曲沼長隄鏡
清澈紫花白簾遮釣篷六月船頭不知熱溫陵軸作錦
繡堆御溝句簇屏風纈竟比斜川栗里居自將白傅香
山列潭之得姓豈所願徒與斯人抱高節八百餘年時
見夢繚繞青峯水幽咽水如環珮山如黛山清淨身水
長舌真有徐君來響答非畫之癖禪之偈筠樓主人富
才思裊然舉首來天闕家居奉母課諸兒日放輕舠緬
前哲後村正要讀祕書探龍未許尋丹訣雲光潭影袖
一卷塋曲泉流聽三折安得身閑長釣遊借問此習如
何結夜來我亦夢偕君艸閣潺湲弄明月

裕軒前輩招同周林汲羅九峯兩檢討菜香艸

堂看山桃二首

晝漸舒和午漸遲徘徊最在半開枝橫陂小綠纔勻處
高阜微風未起時

溶溶漾漾一渠烟秋麥今秋最有年識得農家眞節候
山桃花後杏花前

集述莽廷尉鄭學齋送丁小山歸湖州

侍親歸有期獲十倍登第卷書喜欲狂不揮友朋涕無
地可餞君惟此齋軒砌辦香鄭之徒經訓脈所繫往者
東原子作記豁蒙蔽初讀恨其澀終焉克祛滯吾道有
箴規情性必調劑奈何起扞擊同異煩深擠朱翁考經
義浩博誰津津逮顧於序跋尾多刪月時歲來者何以考

祖述憑誰計吾子慨正之欲遍徵書契編輯著錄家盡
譜其年世下逮史子集通訪史表例願子早成此毋徒
始願銳又須專所營勿泛爲遊藝此去氣正豪優暇足
以勵改歲又來遊不得戶長閉昨訂鄭易注一審宮變
簪馬西廬復東吾徒駕奚稅唐史承節鄭司農廟碑
盧植東回馬融西去坐
有程翰林夢把毛鄭襪豈獨丁將軍翩翩易東裔

送立山之官廣東二首

爲訪覃溪舊詩屋故從嶺海僦官齋不徒令弟家書近
仍有髫年執友偕調鶴亭火耨水耕難拊畜士風經術賴
模楷沿洄三峽三江路似我船窗展轉懷

苦營身世意誰知徐補平生願未遲官事多於了婚嫁

海濤響是和墳簾佳兒長大仍多社先廟歸來薦一卮
中表團圓能幾箇他年要續對牀詩

題戴尊甫詩卷二首

身健名山肯著書酒酣風氣廿年初南徐北固橫江夜
如此瀟瀟暮雨餘

倚劒高歌行路難太行山色照長安撥弦縱有傾城手
幾箇知音可對彈

題董寄廬舊雨卅堂詩集三首

浴溪師與雲持友三十年來失老成白髮挑燈論舊雨
可憐渾不爲詩名

峨嵋天半屬何人名士軒頭碧漲新君向金風亭長說

故應披豁對吾真

君合寫漁洋竹
陀小像爲軸

王好朱多然不然異時葦石對蒙泉此間大有商量在
不借聲音象貌傳

揚州禪智寺蘇詩蘊山旣拓寄予裝爲卷而漁
洋詩未拓來問之蘊山則曰石泐甚矣海鹽張
芑堂明經忽於瑠璃廠肆買得初拓本見贈漁
洋西樵及同時諸人唱和之作皆在焉文字精
靈信若有使之者仍用蘇韻二首贈芑堂兼寄
蘊山

重章字如髮善拓輕似蟬中有蜀岡頭弔古蒼蒼烟昨
問泐餘幾今獲喜欲顛蘇王兩詩翁知我憶懸懸驚覺

玉堂夢假爾金粟仙示偈或緇侶入卷皆英賢浩乎大
珠海一滴眞乳泉卽今水活活仍昔月娟娟萬古氣衡
接一紙來飄翩芭堂但微笑有物使之然芭堂自號金粟道人
謝子初入館五月賦鳴蟬已嘗誦此句撫卷緇雲烟竟
獲繼二公水溪山之顛昨來雙扉欵依舊一榻懸我摹
笠屐像斗室奉髯仙又擬漁洋配瓣香招後賢謝子有
意乎束修薦掬泉定有精爽臨不門詞翰娟靈音玉笈
付響答風裾翩此卷墮我側瑤琴爲鏗然

漢五銖泉范歌

芭堂示我泉范圖箕谷寄圖與范俱我手量圖復量范
後先何限名五銖洪遵董道志復譜蜀梁溯漢之西都

赤仄品交四出樣黃牛識記三官輸古人錄泉未錄范
近始聞小長蘆朱姚君作齋名范鑑芑堂來其論形模
范以翻沙金合土一俯一仰凹凸殊煎金瀝液有妙理
旁星中線準握觚我審慮虎建初尺以揆漢器皆同符
傳形七分五銖寸試推舊譜良不誣晴窻按紙定輪廓
細緣起自指與膚一枚可以測雙合中央積算周四隅
斑斑活碧古花在庚庚起立義爻摹周官圖法蓋不遠
那問泉府府史徒方員圭撮亦經義博古不但鑿鼎壺
夜夢畢昇鐵活板仿佛祕殿排籤厨

筠樓姪以點茶蜜蘭見惠用黃詩韻

君謨茶錄久見餉蜜蘭策勲獨闕書昨來品茶復品帖

一花夢吐膏露珠傳家清白卽膏腴饜心之味花不如

訊爾深知滋畹義娟娟月上小西湖

莆田有西湖

韻亭編脩見示董文敏山水扇頭有文敏自題

山川出雲爲天下雨八字因摹以題於編脩尊

甫續軒明府畫蘭冊復摹刻諸研背各系二詩

尚書何感仿寅哥鄂渚西湖奈遠何莫大秋毫膚寸濶

氣蒸墨暈妙無多

彼美人兮天一方娟娟空谷起微香踈簾清簟中宵夢

濯足滄溟望八荒

右題蘭冊

敢詡微陽積研田篆香一縷白緜緜碧瑤璃下蛟蟠處

借問如何是畫禪

古人不止爲身謀易釋輕言歲有秋一點春陰淡如許
閒庭剛得暮簾鉤

右題研背